

*JABATAN PERKHIDMATAN VETERINAR MALAYSIA*

## **LAPORAN LIPUTAN MEDIA**

**19 September 2020**

1. Usah jual daging ternakan dijangkiti HS
2. MBI buat operasi tangkap anjing liar
3. Gagal seludup 23 anjing pelbagai baka
4. 'Mowgli' missing from school following buffalo deaths

OLEH:

**SEKSYEN KOMUNIKASI KORPORAT  
BAHAGIAN PERANCANGAN STRATEGIK DAN PENILAIAN VETERINAR  
JABATAN PERKHIDMATAN VETERINAR MALAYSIA**

# KERATAN AKHBAR

Tarikh: 19 September 2020

Media Cetak/Elektronik	Harian Metro	Catatan:
Ruangan	Pencuri Tenaga	
M/Surat	20	
Perkara	Kawalan Penyakit	



PEGAWAI JPV Terengganu memeriksa kerbau milik Muhammad Syukur Khamis (kanan) yang mati di Kampung Banggol Katong. Serada dipercayai akibat penyakit hawar berdarah.


## Usah jual daging ternakan dijangkiti HS

**Kuala Terengganu:** Penternak dilarang menyembelih, makan dan menjual ternakan dijangkiti penyakit *Haemorrhagic Septicaemia* (HS) atau hawar berdarah.

Pengarah Jabatan Perkhidmatan Veterinar (JPV) Terengganu, Dr Mohd Termizi Ghazali berkata, biarpun penyakit HS itu tidak menjangkiti manusia, daging haiwan dijangkiti penyakit itu tidak dibenarkan dijual dan tidak digalakkan untuk dimakan.

"Bateria *Pasteurella multocida Carter's Type B* daripada HS hanya menjangkiti lembu dan kerbau dan tidak memberi kesan ke atas manusia.

"Bagaimanapun, itu tidak bermakna penternak dibolehkan menyembelih haiwan dijangkiti HS untuk memakan atau menjual daging



Bateria *Pasteurella multocida Carter's Type B* daripada HS hanya menjangkiti lembu dan kerbau dan tidak memberi kesan ke atas manusia"

Dr Mohd Termizi

berkenaan.

"Maklumlah daging tercemar dengan bakteria dibimbangi akan memberi kesan sampingan lain tidak diketahui kepada manusia, malah agama turut melarang perbuatan itu," katanya ketika dihubungi, semalam.

Termizi berkata, penternak terjejas kerana wabak

HS itu perlu akur dengan kerugian dan tidak boleh menyembelih ternakan dijangkiti HS dan menjual dagingnya untuk mengelak daripada mengalami kerugian.

Katanya, JPV memaklumkan penyakit HS tidak menjangkiti manusia supaya orang awam tidak panik, te-

tapi ia tidak bermakna dagingnya boleh dimakan atau dijual.

"Ternakan dijangkiti HS kebiasaannya akan mati dalam tempoh 24 jam dan bakterianya cepat merebak sekiranya tidak dikawal pada peringkat awal.

"HS boleh merebak melalui air dan burung hijrah membawa pencemaran air yang berpotensi menjadi punca penyakit itu merebak ke tempat lain.

"Hanya melalui suntikan vaksin atau pelalian HS boleh mencegah ternakan daripada dijangkiti penyakit berkenaan," katanya.

Beliau berkata, selain kerbau milik Khamis Jusoh, 64, 45 lagi kerbau dan lembu milik penternak lain di Kampung Pulau Manis dan kawasan Marang turut mati kerana penyakit HS itu.

# KERATAN AKHBAR

Tarikh: 19 September 2020

Media Cetak/Elektronik	Kosmo	Catatan:
Ruangan	Negara	
M/Surat	17	
Perkara	Penguatkuasaan	

## MBI buat operasi tangkap anjing liar

**IPOH** – Majlis Bandaraya Ipoh (MBI) telah menjalankan operasi menangkap anjing liar di Taman Sri Tambun di sini pada Ahad dan Isnin lalu susulan kejadian seorang kanak-kanak yang patah tiga batang gigi kerana terjatuh semasa mengelak dikejar dua haiwan itu.

Operasi yang dilakukan oleh anggota penguat kuasa MBI itu turut dibuat di dua kawasan perumahan berdekatan iaitu di Desa Tambun dan Puncak Tambun Indah.

Ahli Majlis MBI bagi kawasan tersebut, Puteri Holijah Muhamad Rali berkata, operasi pertama dijalankan di kawasan tersebut pada Ahad lalu dan sebanyak tujuh ekor anjing liar berjaya ditangkap.

Menurut beliau, haiwan-haiwan itu kemudian dilepaskan di Tapak Pelupusan Sampah Papan yang terletak kira-kira 22 kilometer dari situ pada hari yang sama.

“Operasi tangkapan kedua

pula dilakukan keesokan harinya bagi mengesan saki baki anjing terbiar yang masih berkeliaran di kawasan tersebut.

“Anjing ada pemilik pula dinasihatkan dikurung dalam sangkar atau diikat supaya tidak membahayakan orang awam di taman perumahan tersebut,” ujarnya ketika dihubungi di sini semalam.

Puteri Holijah memberitahu, pihaknya juga telah bertemu dengan bapa kanak-kanak malang itu berhubung aduan beliau tentang masalah anjing liar di taman perumahan berkenaan.

Dalam kejadian Sabtu lalu, mangsa, Muhammad Rayyan Ihsan Nazarfritri, 9, cedera setelah terjatuh akibat terlanggar cermin rumah jirannya kerana mengelak dikejar dua ekor anjing yang berkeliaran di situ.

Ekoran kecederaan itu, kos rawatan sebanyak RM30,000 diperlukan bagi menjalani rawatan susulan di hospital.



**PENGUAT** kuasa MBI menangkap salah seekor anjing liar dalam operasi yang dijalankan di tiga kawasan perumahan di Tambun, Ipoh baru-baru ini.

# KERATAN AKHBAR

Tarikh: 19 September 2020

Media Cetak/Elektronik	Kosmo	Catatan:
Ruangan	Negara	
M/Surat	14	
Perkara	Penguatkuasaan	



ANGGOTA Maqis menunjukkan sebahagian daripada 23 anjing pelbagai baka yang dirampas di ICQS Pengkalan Hulu semalam.

## Gagal seludup 23 anjing pelbagai baka

**PENKALAN HULU** – Jabatan Perkhidmatan Kuarantin dan Pemeriksaan Malaysia (Maqis) bersama Jabatan Kastam Diraja Malaysia (JKDM) berjaya menggagalkan cubaan membawa masuk 23 anjing pelbagai jenis baka di Kompleks Imigresen, Kastam, Kuarantin dan Keselamatan (ICQS) di sini semalam.

Pengarah Maqis Perak, Rozita Superman berkata, anjing bernilai RM20,000 itu diletakkan dalam lapan sangkar dan disembunyikan dalam sebuah lori tran-

sit membawa muatan buah-buahan dari Thailand ke Singapura.

"Jenis baka anjing yang dibawa masuk adalah Pomeranian, Shih Tzu dan French bulldog.

"Kesemua anjing itu tidak mempunyai permit import sah yang dikeluarkan oleh Maqis dan sijil kesihatan dari negara asal," katanya.

Tambahnya, kegagalan untuk mengemukakan permit import adalah satu kesalahan mengikut Seksyen 11(1) Akta Perkhidmatan Kuarantin dan Pemeriksaan

Malaysia 2011 yang sabit kesalahan boleh didenda maksimum RM100,000 atau dipenjara maksimum enam tahun atau keduanya sekali.

Rozita berkata, setiap kemasukan keluaran pertanian termasuk haiwan peliharaan perlu mematuhi syarat dan peraturan yang telah ditetapkan bagi memastikan makanan, barang atau binatang yang dibawa masuk ke negara ini bebas daripada sebarang penyakit yang berisiko untuk merebak.

# KERATAN AKHBAR

Tarikh: 19 September 2020

Media Cetak/Elektronik	News Straits Times	Catatan:
Ruangan	News	
M/Surat	14	
Perkara	Diseases control	



*Muhammad Syukur Khamis with one of his family's buffaloes that died due to a bacterial infection in Kuala Terengganu recently.*

BERNAMA PIC

## 'Mowgli' missing from school following buffalo deaths

### KUALA TERENGGANU

**M**ALAYSIA'S own Mowgli has skipped school for more than a week following the deaths of the family's buffaloes and his teachers are getting worried.

They hope Muhammad Syukur Khamis, 15, will not become withdrawn due to the deaths of almost half of a herd of 110 buffaloes, including his favourite, Semek and Tongkol, in his village of Kampung Kubang Bujuk here.

The 'Kampung Boy', as he is known after gaining international fame for his affinity for the animals, could still smile a few days ago when Semek was still alive, but has become depressed now that the animal too died of a bacterial infection.

Syukur's teachers believed that counselling was the best way to ensure that the Form Three student's education was unaffected by the incident.

The Guidance and Counselling Unit of SMK Padang Midin has stepped in to ease his trauma.

Teacher Siti Rokiah Abdullah said Syukur would be counselled from time to time and that several teachers were taking turns to talk to him.

She described the teenager as an "icon" who put the country in the lime-light after photographs of him with the buffaloes went viral and won photography awards.

"On the first day of the deaths of some of the buffaloes, the school principal (Khairi Mohd Nor) and the senior assistant for student affairs (Zaki Mohd Nor) checked on Syukur and his family to give them moral support."

The buffalo farm in Kampung Kubang Bujuk is now out of bounds to the public. The remaining buffaloes have been injected with antibiotics by the Terengganu Veterinary Department. **Bernama**